

ta mente presentare presumit de tuo habes
confidentiam adiutorio. tua benignissima
gratia ac pietate quam nemo fidelius ad
plenum collaudare potest bene ✠ dicere
et sancti ✠ ficare digneris hoc pabulum
ut omnia animalia que ex eo sumpserint et co-
mederint omni egritudine ab eis ex gustu
huius pabuli effugata. salutiferam corporis
recipiant sanitatem. saluator mundi qui vivis
et regnas infinita secula seculorum. Amen.
Et benedictio dei pa. et fi. et sp. s. descendat et c.

Benedictio raphani die s. petri cathedre

Omnipotens sempiternus deus qui ad ne-
cessitatem humani generis multa her-
barum genera de fecunditate terre producere
voluisti ad honorem nominis tui bene ✠ di-
cere et sancti ✠ ficare digneris has radices
raphani quas in huius veris initio sumere
cupimus: ut qui his usus fuerit plena cor-
poris et anime gaudeat sospitate. Per dominum